

ერთის მხრივ, შპს „საქართველოს ფოსტა“ (შემდგომში - „შემსყიდველი“), მისი ფინანსური დეპარტამენტის ლაშა ჯაფარიძის სახით და მეორეს მხრივ, შპს „სტრადა მოტორსი“ (შემდგომში - „მიმწოდებელი“) მისი დირექტორის ზურაბ გვაზავას მინდობილი პირის ლევან ასანიშვილის (დაბ. თარიღი 22.10.1983, პ/ნ 01024031031) სახით, „სახელმწიფო შესყიდვების შესახებ“ საქართველოს კანონისა და მიმწოდებლის სატენდერო წინადადების საფუძველზე, **SPA220001472** ელექტრონული ტენდერის ჩატარების შედეგად აფორმებენ სახელმწიფო შესყიდვის შესახებ წინამდებარე ხელშეკრულებას (შემდგომში - „ხელშეკრულება“)

მუხლი 1. შესყიდვის ობიექტი

- 1.1. შესყიდვის ობიექტს წარმოადგენს: 6 (ექვსი) ერთეული სატვირთო მანქანა (შემდგომში: „საქონელი“), CPV კოდი: 34138000.
- 1.2. შესყიდვის ობიექტის დეტალური აღწერა და პირობები მოცემულია სატენდერო დოკუმენტაციაში, რომელიც წარმოადგენს ამ ხელშეკრულების განუყოფელ ნაწილს.
- 1.3. შესყიდვის ობიექტის დასახელება, ტექნიკური აღწერილობა, რაოდენობა, ერთეულის ფასი და საერთო ღირებულება მოცემულია ხელშეკრულების დანართში #1, რომელიც წარმოადგენს ამ ხელშეკრულების განუყოფელ ნაწილს.

მუხლი 2. ხელშეკრულების ღირებულება

- 2.1. ხელშეკრულების ჯამური ღირებულება შეადგენს **569694,00 (ხუთასსამოცდაცხრათას ექვსასოთხმოცდათოთხმეტი)** ლარს.
- 2.2. ხელშეკრულების ღირებულება მოიცავს კანონმდებლობით გათვალისწინებულ ყველა გადასახადს, მათ შორის დღგ-ს.

მუხლი 3. შესყიდვის ობიექტის მიწოდების ადგილი და ვადა

- 3.1. შესყიდვის ობიექტის მიწოდება განხორციელდება მიმწოდებლის ხარჯით, შპს „საქართველოს ფოსტა“-ს ავტოფარეხში - ქ.თბილისი, გაბრიელ სალოსის მე-2 შესახვევი, #7.
- 3.2. შესყიდვის შესყიდვის ობიექტის მიწოდება განხორციელდება ხელშეკრულების გაფორმებიდან 200 (ორასი) კალენდარული დღის ვადაში.

მუხლი 4. შესყიდვის ობიექტის მიღება-ჩაბარების წესი

- 4.1. შესყიდვის ობიექტი მიწოდებულად ჩაითვლება მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ, რომელიც დასტურდება მხარეების ან მათი წარმომადგენლების (უფლებამოსილი პირების) ხელმოწერით.
- 4.2. შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს შპს „საქართველოს ფოსტა“-ს **ტრანსპორტის მიმართულების ხელმძღვანელი ნიკა ქავთარაძე**.
- 4.3. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს **ტრანსპორტის მიმართულების ხელმძღვანელი ნიკა ქავთარაძე**.
- 4.4. ხელშეკრულების 7.4. პუნქტის შეუსრულებლობის შემთხვევაში შემსყიდველი უფლებამოსილია უარი განაცხადოს მიღება-ჩაბარების აქტის გაფორმებაზე და მოითხოვოს ხელშეკრულების პირობების შესრულება შემსყიდველის მხრიდან რაიმე დამატებითი ხარჯის გაწევის გარეშე.

მუხლი 5. ანგარიშსწორება

- 5.1. მიმწოდებელთან ანგარიშსწორება განხორციელდება უნაღდო ანგარიშსწორებით ეროვნულ ვალუტაში;
- 5.2. ანგარიშსწორების საფუძველია მხარეების უფლებამოსილი პირების მიერ ფაქტობრივად მიწოდებულ საქონელზე გაფორმებული მიღება-ჩაბარების აქტი, მიმწოდებლის მიერ წარმოდგენილი სასაქონლო

ზედნადები და კანონმდებლობით გათვალისწინებული საგადასახადო დოკუმენტაცია.

- 5.3. მიმწოდებელთან ანგარიშსწორება განხორციელდება 5.2 პუნქტით განსაზღვრული დოკუმენტაციის წარმოდგენიდან 10 (ათი) სამუშაო დღის ვადაში.
- 5.4. 5.2 პუნქტით განსაზღვრული დოკუმენტაციის წარმოდგენილობის შემთხვევაში შემსყიდველის მიერ არ განხორციელდება ანგარიშსწორება.
- 5.5. საავანსო ანგარიშსწორების მექანიზმი არ გამოიყენება.

მუხლი 6. საგარანტიო ვადები და პირობები

- 6.1. შესყიდვის ობიექტზე, საგარანტიო ვადა ვრცელდება მიღება-ჩაბარების გაფორმებიდან 5 წელი ძირითად აგრეგატებზე (ძრავა, ხიდი, გადაცემათა კოლოფი), 3 წელი ან 150000 კილომეტრი (რომელიც ადრე შესრულდება) სრულ ავტომანქანაზე, გარდა სწრაფცვთადი ნაწილებისა და მასალებისა (ანტიფრიზი, ფრეონი, საბურავები, ელექტრონათურები, ელექტრომცველები, შუშის საწმენდი ჯაგრისები, გადაცემათა კოლოფის გადაბმულობის ქურო, გადაცემათა კოლოფის მომჭიმი საკისარი, გადაცემათა კოლოფის გადაბმულობის დისკი და საყრდენი დისკი);
- 6.2. შემსყიდველის შემსყიდველის მხრიდან შესყიდვის ობიექტის ექსპლუატაციის ნორმების დაცვის შემთხვევაში, საგარანტიო ვადის განმავლობაში მიმწოდებელმა საკუთარი ხარჯებით უნდა აღმოფხვრას ექსპლუატაციის პროცესში გამოვლენილი ნებისმიერი ხარვეზი/წუნი (ტრანსპორტირების ჩათვლით), საჭიროების შემთხვევაში უზრუნველყოს წუნდებული დეტალი/ნაწილის (მაგ. ძირითადი აგრეგატი ძრავი, გადაცემათა კოლოფი და ა.შ) შეცვლა ახლით, შემსყიდველ ორგანიზაციასთან შეთანხმებულ გონივრულ ვადაში შემსყიდველის მხრიდან რაიმე დამატებითი ხარჯების გარეშე.
- 6.3. ქარხნული წუნის გამოვლენის შემთხვევაში, მიმწოდებელი ვალდებულია შეცვალოს მიწოდებული საქონელი ახლით შემსყიდველ ორგანიზაციასთან შეთანხმებულ გონივრულ ვადაში შემსყიდველის მხრიდან რაიმე დამატებითი ხარჯების გარეშე.

მუხლი 7. მხარეთა უფლება-მოვალეობები

7.1. შემსყიდველის უფლება აქვს:

- 7.1.1. შეამოწმოს შესყიდვის მახასიათებლების შესაბამისობა ხელშეკრულებით გათვალისწინებულ პირობებთან.
- 7.1.2. რაიმე ნაკლის აღმოჩენის შემთხვევაში, აცნობოს და მოსთხოვოს მიმწოდებელს ნაკლის დაუყოვნებლივ გამოსწორება.
- 7.1.3. მოითხოვოს მიმწოდებლისგან ხელშეკრულების ჯეროვანი, დროული და კეთილსინდისერი შესრულება.

7.2. შემსყიდველი ვალდებულია:

- 7.2.1. უზრუნველყოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად.
- 7.2.2. დაიცვას ხელშეკრულებით გათვალისწინებული პირობები.

7.3. მიმწოდებელს უფლება აქვს:

- 7.3.1. მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

7.4. მიმწოდებელი ვალდებულია:

- 7.4.1. უზრუნველყოს ხელშეკრულების პირობების შესრულება.
- 7.4.2. შემსყიდველს მიაწოდოს ახალი და ხარისხიანი შესყიდვის ობიექტი, რომელიც არ გამოავლენს დეფექტებს.
- 7.4.3. შესყიდვის ობიექტის გადაბარებისას, მიღება-ჩაბარების აქტის გაფორმებამდე რაიმე ნაკლის აღმოჩენის შემთხვევაში უზრუნველყოს მისი გამოსწორება (გაწიოს საჭირო მომსახურება და/ან ახლი შესყიდვის ობიექტის მიწოდება) არაუგვიანეს 3 (სამი) კალენდარული დღის ვადაში.

მუხლი 8. საბანკო გარანტიის წამოდგენის პირობები:

- 8.1. მიმწოდებელი ვალდებულია წამოადგინოს ხელშეკრულების შესრულების უზრუნველყოფის უპირობო (გარანტიით გათვალისწინებული თანხა შემსყიდველმა უნდა მიიღოს ყოველგვარი

დამატებითი განმარტებებისა და მტკიცებულებების წარდგენის გარეშე, პირველი მოთხოვნისთანავე) და გამოუთხოვადი საბანკო გარანტია სახელშეკრულებო ღირებულების 5%-ის ოდენობით. აღნიშნული საბანკო ან/და სადაზღვევო გარანტია წარმოდგენილი უნდა იქნეს ხელშეკრულების გაფორმებამდე და მისი მოქმედების ვადა სულ მცირე 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

- 8.2. უპირობო, გამოუთხოვადი ხელშეკრულების შესრულების გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში.
- 8.3. წარმოდგენილ ხელშეკრულების შესრულების უზრუნველყოფის გარანტიაში არ უნდა იყოს მითითებული, რომ გარანტია მცირდება შესრულების პროპორციულად.
- 8.4. გარანტიის ფორმა უნდა იყოს შეთანხმებული შემსყიდველთან;

მუხლი 9. ხელშეკრულებაში ცვლილებების შეტანა და შეწყვეტა

- 9.1. ხელშეკრულებაში ნებისმიერი ცვლილების ან დამატების შეტანა შესაძლებელია მხარეთა შეთანხმების საფუძველზე, ორივე მხარის მიერ ხელმოწერილი წერილობითი ფორმით.
- 9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 9.3. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 9.4. ხელშეკრულების ერთ-ერთი მხარის მიერ ხელშეკრულების პირობების სრულად ან ნაწილობრივ შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 9.5. მხარეების ვალდებულნი არიან 9.4. პუნქტით გათვალისწინებული გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 9.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 10. მხარეთა პასუხისმგებლობა

- 10.1. მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების პირობების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით.
- 10.2. ერთი მხარის მიერ ხელშეკრულების პირობების შეუსრულებლობის ან არაჯეროვანი შესრულების შემთხვევაში მეორე მხარე უფლებამოსილია მოითხოვოს პირგასამტეხლო შეუსრულებელი ვალდებულების 0.02 %-ის ოდენობით ყოველ ვადაგადაცილებულ დღეზე.
- 10.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.
- 10.4. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 10.5. 9.4 პუნქტით გათვალისწინებული შემთხვევის დადგომისას, შემსყიდველი უფლებამოსილია ხელშეკრულების პირობების შეუსრულებლობისათვის მოითხოვოს პირგასამტეხლო ხელშეკრულების საერთო ღირებულების 20%-ის ოდენობით, ხოლო ნაწილობრივ შესრულების შემთხვევაში, მოითხოვოს პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

მუხლი 11. ხელშეკრულების შესრულების შეფერხება

- 11.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

მუხლი 12. დაუძლეველი ძალა

- 12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ. წინააღმდეგ შემთხვევაში, შესაბამისი მხარე არ თავისუფლდება ნაკისრი ვალდებულებების შესრულებისაგან.
- 12.2. მხარეთა პასუხისმგებლობა და ვალდებულებები განახლდება ფორს-მაჟორული გარემოებების დასრულებისთანავე.

მუხლი 13. სადავო საკითხების გადაწყვეტა

- 13.1. ხელშეკრულების შესრულებისას მხარეთა შორის წამოჭრილი დავები შესაძლებელია გადაწყვეტილი იქნას ორივე მხარის ერთობლივი მოლაპარაკების საფუძველზე.
- 13.2. თუ მხარეები მოლაპარაკების დაწყებიდან 10 (ათი) კალენდარული დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოში მოქმედი კანონმდებლობის შესაბამისად.

მუხლი 14. ხელშეკრულების მოქმედების ვადა

- 14.1. წინამდებარე ხელშეკრულება ძალაში შედის მხარეთა მიერ მათი ხელმოწერის დღიდან და მოქმედებს 2023 წლის 31 მარტის ჩათვლით.
- 14.2. ხელშეკრულების მე-6 მუხლი ძალაშია მთლიანი საგარანტიო ვადის განმავლობაში.

„შემსყიდველი“

შპს „საქართველოს ფოსტა“

ს/კ: 203 836 233

მის: ქ. თბილისი, სადგურის მოედანი #2

ტელ: (+995 32) 224 09 09

ს.ს. „საქართველოს ბანკი“

ბანკის კოდი: BAGAGE22

ანგარიშის # GE13BG0000000123286800

ლაშა ჯაფარიძე

ფინანსური დეპარტამენტის უფროსი

„მიმწოდებელი“

შპს „სტრადა მოტორსი“

ს/კ: 401960286

მის: ქ. თბილისი, ბელიაშვილის ქ N191

ტელ: +99599365563

ს.ს. საქართველოს ბანკი

ბანკის კოდი: BAGAGE22

ანგარიშის # GE49BG0000000340710100

ლევან ასანიშვილი

მინდობილი პირი

#	შესყიდვის ობიექტი	ტექნიკური აღწერილობა	რაოდენობა	ერთეულის ღირებულება	ჯამი	მწარმოებელი ქვეყანა, მწარმოებელი და მოდელი
1	სატვირთო მანქანები	• გამოშვების წელი: 2022 • ემისიის სტანდარტი: ევრო 5+ • მდგომარეობა: ახალი,ექსპლუატაციაში არ მყოფი • საჭე: მარცხენა • ძრავში ცილინდრების რაოდენობა: 4 ცილინდრი • ძრავის მოცულობა: 2.3 • მაქსიმალური სიმძლავრე (ცხ.ძ): 130 (ცხ.ძ) • მაქსიმალური სიჩქარე (კმ/სთ): 155(კმ/სთ) • სიჩქარის გადაცემათა კოლოფი: 6 +1 საფეხურიანი მექანიკური • საწვავის ტიპი: დიზელი • ზომები:სიგრძე: 6363მმ • სიგანე: 2050 მმ • სიმაღლე: 2779 მმ • საბურავი: უკამერო • აუდიო სისტემა • სათადარიგო საბურავი • საბურავის დისკის ზომა: R16 • კონდიციონერი • ცენტრალური საკეტი • საჭის ჰიდროგამაძლიერებელი • მძღოლის და მგზავრის უსაფრთხოების ბალიში • ფერი: თეთრი • გვერდითა ელექტრო სარკეები • სამუხრუჭე სისტემა: ABS • ძარის ტიპი: სატვირთო ფურგონი • უკანა შუშების გარეშე • სატვირთო ფართის მარჯვენა გასაცურებელი კარი • ტვირთამწეობა: 2010კგ • სატვირთო ფართის მოცულობა: 17მ3 • კარების რაოდენობა: 4	6 ერთეული	94949,00	569694,00	მწარმოებელი ქვეყანა: იტალია მწარმოებელი: FIAT მოდელი: DUCATO

შემსყიდველი
შპს „საქართველოს ფოსტა“

ფინანსური დეპარტამენტის უფროსი
ლაშა ჯაფარიძე

მიმწოდებელი
შპს „სტრადა მოტორსი“

მინდობილი პირი
ლევან ასანიშვილი